

曝書亭全集

冊六

曝書亭集卷第二十二

秀水 朱彝尊 錫鬯

古今詩 二十一

強圉大淵獻

宿陸上舍 稹 聽雨樓

客鬢已星星小樓聽夜雨昨日海棠花飄落知幾許早有私蝦蟇聒聒草根語

天平山謁范文正公祠

范公祠屋此山中石筍抽萌萬笏同遺像依然窮塞主義田不改舊家風歸來散絹三千匹沒後題碑四五通近覩

天書銀榜在年年秋色照丹楓

康熙四十四年御書濟時良相扁懸諸南檐祠有老楓三十本

由上沙登靈巖山寺有感書壁

溪橋煙柳曉參覃瑩拂纔過三月三人自雨中來雨外路從山北轉

山南遺民老結蓮花社開士高居燕子龕茶板粥魚消歇後空餘井
谷上方甘

胥口

胥口如繩直吳船比屋高往來陵雨雪歌笑涉波濤淺碧搖新柳天
紅露小桃近年浮宅慣未覺此身勞

讌集張上舍

士俊

水周林同諸君分韻得人字

岸上牽船思曼水中築室靈均客來何者是客客去此中有人

石湖

吳下長爲客舟行不計程過橋湖水闊隔岸野雲生寒食誰溫酒深
村亦賣錫農人占甲子最喜上方晴

高麗謫歌賦謝納蘭院長

揆敘

若稽古帝伊耆穿九井御六螭百穀旣播雨露滋蒸民乃粒無阻飢
維帝念人壽之不永稽首再拜就泰壹小子而問之小子前致辭養

生固有道曷不施赭鞭鞭百草嘗其平毒審其寒燠

為皓切

別君臣異

涇燥或冬而萌或夏而槁豐者萋蔓者抱鼎用飪白用擣咬咀三百

六十五味著爲本草經授諸醫師俾讎討山娟娟兮樹濛濛爰有紫

衣童子歌宵中瑤光之宿帝車尾散爲仙卉三桎五葉各一叢人銜

鬼蓋海腴名不同是爲土地精肩股各具體有時黃口兒土中啼不

已高高羊頭岡深深虎穴底立苗團紫雲結子墮紅米晉上黨趙邯

鄲遠而新羅百濟根結蟠我昔於高麗圖經曾覽觀胥餘啓宇後朝

鮮世世稱外藩森羅三千七百島四至八到提封寬域中生溲類羊

角其上椶樹清陰攢春州產尤嘉堅白少垢殿聞諸遼陽土木搨地

先以熱湯野爐煮何異都蔗去汁方登盤此邦之人日炙風戾乾元

氣不損形神完珍藥豈易得恆愁致者難納蘭學士相於久憶別重

逢歲在西三面山臨一面江

學士游韜光句也

誦君清詩不去口今春鳳

艦復時巡扈從依然八十一車後朝來帳殿喜合併憫我形枯貌鰥

醜分我神草凡百莖投之几案鏗有聲五加一把安足道愛玩不異
懷中瓊服之洗憂患定心氣益神智還精髓失笑頗類西域之駱駝
口不能嚼左右壽老眼秤星渾不辨刀圭約略付銚鑪作詩報學士
奇觚急就有媿盧仝馬異劉又何

過龔御史

翔麟

田居留飲卽席賦

蘭臺有柱史敢諫名不虛奮舌彈將相收身還里閭性不愛肥膩築
室田中居田中何所有活水清不淤竹依上番種瓜撰辰日鉏十枝
五枝花一寸二寸魚籬下舴艋舟門前轂鯨車雖然在城市俗務已
漸疎交謫無孺人著錄付小胥曉督芸鼓芸宵從漁父漁我來適孟
夏乍見蓮葉舒蘆藩打槳入直前上階除是日新雨後泱泱鳴溝渠
一孫扶藜杖桂孫二客停筍輿查編修詞璫家上舍思贊主人略禮法小摘園中
蔬山庖遠羶腥俊味頗有餘日長語雜亂要勿及除書學稼既有懷
老農豈不如清詩唐宋間流傳相歎譽幽棲洵可樂奇服遂厥初試

觀襴襖子有若窮相驢團團日旋磨進退皆牽掣對此淡蕩人物外
心相於躬耕許我耦願言期溺沮

初夏湖上同修學士

法海

賈編修

國維

查編修

慎行嗣璣

汎

舟學士紀之以詩遂和其韻

新晴最可娛天朗片雲孤蓴膩魚王塔鶯嬌柳浪湖水亭施步障風
幔結流蘇今夜弄明月千金此一壺

瑪瑙寺陳閣老行館

寶勝湖邊剎峯連葛嶺青過橋

行殿近散直小車停野飯移廚速

山泉入筧聽只愁

宣喚至容易別巖局

武林逢鄭高州

梁

高涼太守鬢成絲青眼看人似舊時桐樹半生無改色蟹螯一手尙

堅持後來領袖歸才子老去雲煙勝畫師別久重逢轉傾倒七言三

復曉行詩

太守右體不仁左手猶能作畫其曉行詩云野水無橋牽馬渡曉星如月照人行賦景最工公子性有才名

飲查編修慎行寓樓二首

顛毛初白與僧同

編修取蘇學士僧臥一菴初白頭之句自號初白菴主人

逐隊仍趨

朵殿東

恰喜行廚櫻筍熟繫鞵且對一漁翁

唐學士繫鞵坐玉堂

高館江湖左右開三餅櫓酒倒官醅十年舊事篝燈話此夜方舟泊

釣臺

戊寅四月同編修入閩

杉青牖別修學士

法海

跣跣題紈扇灣洄住綵舲合併曾幾日相送落帆亭

曝書亭得孫學士

致彌

都下札

杖藜還藉短童扶暇覓筠牀雀糞洿典籍曝餘翻散亂田園歸後轉
荒蕪病蔬幾見連筒灌薄酒生憎入市沽差喜故人遙記憶八行書
肯報潛夫

苦旱茗飲乏水戴秀才

鏌

以所蓄天泉見惠率爾賦詩

浮玉山矐兩目荆溪橋斷百瀆吾家長水口夏至不沒狗村農鳴鉦

踏水車有如赴壑之修蛇青天無雲赤日午相與結隊撈魚蝦忽焉
長水涸水車無聲泥上閣東臯種禾禾漸焦南山種豆枯豆苗紫茄
黃瓜半灰朽安得舊井寒泉澆朝來約童子越阡度陌汲湖水昨行
五里今十里斯時老夫出亦愁入亦愁躁類楚沐猴喘似吳耕牛既
不能喝三江五湖倏倒流又不能使龍跳蛟舞拔老湫升斗之水何
從求戴生前一言家有泉兩甕須臾擔僕來打門遽相送樂莫樂且
先嘗何減三危之露九醞漿竹火爐冰瓷盃鷹觜長雀舌短飲罷北
牕眠月輪又新滿仰面問金波那不麗天畢雨滂沱何辜今之人忍
令禿髮女坡市也來婆娑

生自柘湖還言
半妓見乍浦

寄鄭秀才

元慶

鄭生五亭住四面白蘋香竹樹旱無恙湖田低不妨圖書宜後定天
氣欲新涼近得苕溪集

南渡劉一止詩文

期君讀草堂

更舞蛟石爲蛇蟠石紀之以詩

并序

府治東徐少卿祠有苔石奇古土人目曰舞蛟傳是花石綱所遺然至元嘉禾志明柳琰鄒衡趙瀛三志均不載未析所從來按元慈谿黃玠弁山小隱吟錄有爲濮樂閒司令作蛇蟠石歌樂閒家濮院意明初產入官後好事者移置此地爾妄擬李白更九子山例書之禾錄

石以舞蛟名未若蛇蟠古試誦弁山吟圖經猶可補

吳甥

振武

用指頭作畫花竹翎毛草蟲山水畢肖異而賦長

歌

軒皇曾列素女圖虞帝欲觀古人像禹鑄神姦貢牧金康模醢酒豐侯相周官設色之工五畫繪由來有專尙彼時蒙恬筆未製安得中山管城樣不知渲染用何物藻火山龍授師匠指頭作畫舊譜希巧者未述知者勑吾家賢甥罷官久玉桂國中少倚仗林泉高致頗軼倫往往得錢掃屏幃入春放溜始歸來啜粟承歡北堂養田園松菊

縱荒蕪且免折腰走俗狀蕭晨訪我梅會里小艇恰乘新水漲開顏
並對竹垞竹一技尤精難比伉先施淡墨後濃墨食指兼需巨擘將
有時爪痕抽藥苗有時指節成花當雪禽不數唐希雅風蝶何殊秦
友諒少焉滌硯寫山水茅屋苔磯雅清曠斯須湧出八九峯瀑布飛
流樹穿浪釘頭鼠尾信手皴程奕屠希見惆悵漆園以指喻非指天
地一指巧相況覲爾新圖捫指成使我衰年一神王移家思避消夏
灣歲旱湖田定無恙角里梨容客至嘗毛公壇許人扶上橙黃橘綠
及是時十幅蒲帆趨所向甥能從我賦近游共醉山家隔年釀

南垞晚步同王生

泫

荷風剛罷浴蘭畹已新涼高樹下歸鳥小牕明夕陽蛇牀秋草徧魚
尾暮霞長老圃論生計纔收一稜薑

過李上舍村居

偕行十畝桑外並坐千年樹根猗玗子無惡客武夷君有曾孫

元結
自號

倚玆子以不飲酒者爲惡
客上舍六十已得會孫

五毒篇效曹通政寅用其首句

南蟲毒頭北蟲尾以類名蝨總爲虫五者潛行疾如鬼誰與點筆繪
作圖一一獐劣殊形模五月五日張戶樞嗚呼之蟲螫人遇所觸謀
及乃心禍斯酷世間無如保蟲毒

送達占楊叟還廬江

桐帽襍鞢冰雪容山茨歸臥棗香濃瓊茅欲就靈氛卜知近浮槎第
幾峯

兩集平山送查編修嗣琛

蔡舍人望方上舍世舉唐明府紹

祖入都二十韻

金鷗斂行潦絳葉鳴凜秋曉雨原上來枯桑落荒溝筠車北岡路徑
盡知所投平山表遺迹經始歐九修手移新堂柳縷汲冽井流至今
闌檻曲詩版存王劉吾來堂未建再至乃登樓未知百年內紺塔能

復不一蕭

賜

二十子

恆久

載酒羅庶羞征鴻適來賓鳴鹿迭相求翩

翩羣雅才簦笠偕燕游江光湧平楚草色連遙洲淮南十一郡千里
極望收同人齊所願于野獲良謀查蔡金閨彥方唐才士尤將從畿
南驛直抵山後州豈曰無裳衣客子在道周感彼蟋蟀唱役車何時
休燕南趙北際慎勿久滯留且復飲沉頓率意成狂謳

紀夢作

北山叟卜南山宅言歸北山人不識山家黑犬兩耳黃獨木橋邊吠
行客柴門之下水淙淙枳籬以外花茸茸偶然鞭犬失青竹化作羊
須一白龍

送程秀才

元愈

還宣城

梅孝廉庚女婿也

花飛春水都官句山抹微雲女壻詩送子羊頭車一兩滿林柿葉正
紅時

歲暮送張生

星

還吳

四野同雲淦淦寒只應小住共春盤懷歸潘岳真多事遺挂重思面壁看

著雍困敦

五言賦鴨鵝鈍

禾俗養鴨兒樂府歌阿子一雄挾五雌累百喙長水方春穀將出生
意不可止要術啄菹宜市月雞定起淺夫計欲速火攻迭運徙半體
形已呈忽焉混沌死他邦盡棄擲吾黨獨見喜鄉人目曰喜彈銅童屑椒桂
竈妾洗毛髓色淆黃白斑候斂漿汁滓鴨簽哂東京鴨齋屏南史既
免治刀砧兼弗齟牙齒以之號鵝鈍莫審所自始得非飲食人桐江
方萬里記取秀州門竹杖扶入市萬里竹杖詩跳上岸來須記取秀州門外鴨鵝鈍至今七

十坊

至元嘉禾志載坊巷七十

饌法傳伍氏物微愛憎殊留賓姑舍是二子下箸

貪

桐城方世舉嘉興李宗渭

謂足勝羊豕作詩賞逸味虛谷同一揆不知天地間

何者真好美試問廚煙生曾否動食指

送李上舍之濟南謁新城王尚書

海右惟濟南具饒山水趣側坎趵突泉單椒華不注匯爲蓮子湖七
橋從坦步尚書宅新城道重東山傳絲竹匪所耽騷雅乃先務林端
有嘯臺池北但書庫著錄幾千人片言等墳素李生辭菰蘆高山動
遐慕譬諸驥騄姿孫陽宜一顧莫因籤程迂直趨九河渡送行吟短
章心飛蠶尾樹

蠶尾山房尚書著書室也

九日籬菊未放桂有餘花里中諸子過出金華酒小飲分韻
得小字

叢桂落餘花雙餅出清醪我客不速來毋論戶大小冷笑登高人牽
拂風林杪

潘檢討

未

以方竹杖見贈賦謝

天台方竹杖絕勝萬年藤九節仙人斲兼程衲子能免尋籃輦坐且
喜石橋登準擬池南岸晨朝相菊塍

德藏寺咏古跡五首

雙塔

寺門雙塔並夕照挂林西影落東湖曲參差終不齊

梓徑

入寺一徑分文梓昔無數想見獨吟人赤脚踏紅雨

趙王孫孟堅有詩

浦花堂

百里魯公浦風荷岸岸香金沙誰布地傳是道宣房

松風臺

松樹已無榦松風舊有臺華亭初不遠定有鶴飛來

山月池

海山一片月終古照池水當年人定鐘聲聞十八里

事見魯應龍閑牕括異志

天游觀歌寄贈崇安王明府

梓

昔我登武厓勝絕天游觀諸峯羅鳥下一亭表天半水紋斷續流石

骨陰陽判藥鑪茗盃不外求
谷鳥林猿迭相喚老夫高尋豁兩眸
坐久嬾下崎嶇丘夕陽滿樹嵐翠浮
白雲忽起山之幽須臾逢逢漲巖壑
仰視昂車并鉞參旗收恍如置我不
繫之虛舟蓬萊方丈海外州
天雞乍唱旭日旦依舊列岫仍環周
回思此地神物怪疑詎可測願
爲道士驂駕白鹿騎青牛
今八十行歎復坐愁安得九節竹杖扶
我重上仙掌之峯頭閒吹鐵簫弄明月
乾魚糲飯長勾留邵陽王子
今爲宰詩思潘江文陸海
仙才自合治仙山一鶴一琴恆並載
擢歌九曲和元音逸韻清鏘音欸乃
書院琳宮次第新陳丹暗粉更番改
畫簾暇日考圖經祠祿題名舊章在
騷人初度先春期玉梅早發珊瑚枝
邑人躋堂齊介眉頌侯戩穀無不宜
三漿十酒斟滿卮亦有鼓板兼歌師
當筵漫奏賓雲曲明府自有白雪陽春辭

查二編修第

詞環

煎錫爲洗頭盆注水扶寸江行恆自隨乃

以脫贈賦五言詩紀事